

Краткие молитвы

Во имя Отца, и Сына, и Святаго
Духа. Аминь.

Господи, благослови!

Господи, помилуй!

Слава Тебе, Боже наш, слава
Тебе.

Молитва мытаря

Боже, милостив буди мне
грешному.

Молитва Иисусова

Господи, Иисусе Христе, Сыне
Божий, помилуй мя, грешнаго.

Молитва Господня

Отче наш, Иже еси на небесех!
Да святится имя Твое.

Да приидет Царствие Твое.

Да будет воля Твоя, яко на
небеси и на земли.

Хлеб наш насущный даждь
нам днесь.

И остави нам долги наша, яко
же и мы оставляем должником
нашим.

И не введи нас во искушение.

Но избави нас от лукавого.

Яко Твое есть царство, и сила,
и слава Отца и Сына и Святаго
Духа ныне и присно и во веки
веков. Аминь.

Распятого же за ны при
Понтийстем Пилате, и
страдавша, и погребенна;
И воскресшаго в третий день,
по писанием;
И восшедшаго на небеса, и
сидяща одесную Отца;
И паки грядущего со славою
судити живым и мертвым, Его
же царствию не будет конца.
И в Духа Святаго, Господа
Животворящаго, Иже от Отца
исходящаго, Иже со Отцем и
Сыном спокланяема и
сславима, глаголавшаго
пророки.
Во едину, святую, соборную и
апостольскую Церковь.

Вечерняя молитва

Господи Боже наш, еже
согреших во дни сем словом,
делом и помышлением, яко
благ и человеколюбец, прости
ми; мирен сон и безмятежен
даруй ми; Ангела Твоего
хранителя последи покрывающа
и соблюдающа мя от всякаго
зла; яко Ты еси хранитель
душам и телесем нашим, и
Тебе славу возсылаем Отцу, и
Сыну и Святому Духу, ныне, и
присно, и во веки веков.
Аминь.

Исповедую едино крещение во
оставление грехов.
Чаю воскресения мертвых.
И жизни будущего века.
Аминь.

Молитва перед сном

В руци Твои, Господи Иисусе
Христе, Боже мой, предаю дух
мой. Ты же мя благослови, Ты
мя помилуй и живот вечный
даруй ми. Аминь.

МОЛИТВОСЛОВ

Символ Веры

Верую во единого Бога Отца,
Вседержителя, Творца небу и
земли, видимым же всем и
невидимым.
И во единого Господа Иисуса
Христа, Сына Божия,
Единородного, Иже от Отца
рожденного прежде всех век,
Света от Света, Бога истинна
от Бога истинна, рожденна, не
сотворенна, единосущна Отцу,
Им же вся быша;
Нас ради человек и нашего
ради спасения сшедшаго с
небес, и воплотившагося от
Духа Свята и Марии Девы, и
вочеловечшася;

Молитва Господу Иисусу

Господи, Иисусе Христе, Сыне
Божий, молитв ради
Пречистыя Твоея Матери и
всех святых, помилуй нас.
Аминь.

Молитва Святому Духу

Царю Небесный, Утешителю,
Душе истины, иже везде сый и
вся исполняяй, сокровище
благих и жизни Подателю,
прииди и вселися в ны, и
очисти ны от всякия скверны,
и спаси, Блаже, души наша.

Самая краткая молитва к Божией Матери

Пресвятая Богородице, спаси нас!

Ангельское приветствие Божией Матери

Богородице Дево, радуйся,
Благодатная Марие, Господь с
Тобою, благословенна Ты в
женах, и благословен плод
чрева Твоего, яко Спаса
родила еси душ наших.

Молитва Ангелу-Хранителю

Ангеле Божий, хранителю мой
святый, на соблюдение мне от
Бога с небесе данный,
прилежно молю тя: ты мя
днесь просвети, и от всякого
зла сохрани, ко благому
деянию настави и на путь
спасения направи. Аминь.

Молитва святому

Моли Бога о мне святый
(святая) <имя>, яко аз усердно
к тебе прибегаю, скорому
помощнику и молитвеннику
(скорой помощнице и
молитвеннице) о душе моей.

Молитва перед вкушением пищи

Очи всех на Тя, Господи,
уповают, и Ты даеши им пищу
во благовремени: отверзаеши
Ты щедрую руку Твою и
исполняеши всякое животное
благоволения.

Молитва после вкушения пищи

Благодарим Тя, Христе Боже
наш, яко насытил еси нас
земных Твоих благ; не лиши
нас и небеснаго Твоего
Царствия.

Молитва Честному и Животворящему Кресту

Спаси, Господи, люди Твоя и
благослови достояние твое;
победы на сопротивных даруя,
и Твое сохраняя Крестом
Твоим жительство.

Молитва Честному и Животворящему Кресту

Огради мя, Господи, силою
Честнаго и Животворящаго
Твоего Креста, и сохрани мя
от всякаго зла.

Утренняя молитва

К Тебе, Владыко
человеколюбче, от сна встав,
прибегаю, и на дела Твоя
подвигаюсь милосердием
Твоим, и молюся Тебе: помози
ми на всякое время во всякой
вещи, и избави мя от всякия
мирския злыя вещи и
диавольскаго поспешения, и
спаси мя, и введи в Царство
Твое вечное. Ты бо еси мой
Сотворитель и всякому благу
Промысленник и Податель, о
Тебе же все упование мое, и
Тебе славу возсылаю ныне, и
присно, и во веки веков.
Аминь.

Молитва о живых

Спаси, Господи, и помилуй
отца моего духовнаго <имя>,
родителей моих <имена>,
сродников, наставников и
благодетелей и всех
православных христиан.

Молитва о умерших

Упокой, Господи, души
усопших раб Твоих <имена> и
всех усопших сродников и
благодетелей моих, и прости
их вся согрешения вольная и
невольная, и даруй им
Царствие небесное.

Трисвятое

Святый Боже, Святый
Крепкий, Святый
Бессмертный, помилуй нас.

Славословие Пресвятой Троице

Слава Отцу, и Сыну, и
Святому Духу, и ныне, и
присно, и во веки веков.
Аминь.

Молитва Пресвятой Троице

Пресвятая Троице, помилуй
нас; Господи, очисти грехи
наша; Владыко, прости
беззакония наша; Святый,
посети и исцели немощи наша,
имене Твоего ради.

Хвалебная песнь Богородице

Достойно есть яко воистину
блажити Тя Богородицу,
присноблаженную и
пренепорочную и Матерь Бога
нашего. Честнейшую херувим
и славнейшую без сравнения
серафим, без истления Бога
Слова рождшую, сущую
Богородицу Тя величаем.